

Luzula parviflora β . *spadicea*; *Luzula campestris* β . *nivalis*; *Carex leporina*, var. *subalpina* d); *Carex lagopina*, var. *crassiuscula* e); *Carex atrata* var. *nigra*, f); *C. alpina* α (Wahlenb. Fl. Lappon.); *Carex ampullacea* var. *borealis*, g); *Carex saxatilis*, var. *rigida*; *Carex pulla* α . (vide infra). Quibus rebus facile evincitur, quod etiam ipsius naturæ ratio testatur, plantas alpinas non modo abbreviari et simplices fieri, sed etiam floribus paucioribus verum majoribus instrui, vi vegetationis collectivæ; quia plures quasi in paucis continentur h).

d) Spiculis in spicam ovatam congestis, (num *C. ovalis* Good), rufo-fuscis; capsulis concavo-convexis, margine serrulatis, squamis longioribus. Legi ad Quickjoek et Peurajaas 1821. -ur

e) Culmo abbreviato stricto; spiculis confertis, majoribus. Ex alpi-
bus Lulensibus 1821.

f) Spicis oblongis approximatis, erectis, subsessilibus; infima subpedicellata; capsulis obovatis, obtusis, brevissime apiculatis, glaucescentibus; ore subintegro; squamis aterrimis, ovatis, unicoloribus. In summo alpium jugo ad Tjatja Lappon. Tornens., quo tria tantum specim. legi; quorum unum spicis quattuor, spicam mediam habebat androgynam inferne masculam; alterum specim. habebat masculam terminalem; tertium binas masculas atque unam feminam. Est quasi media inter *C. atratam* et *alpinam*. Num *C. nigra*? All.

g) Culmo foliisque subfiliformibus, canaliculatis; spicis subovalibus, subfuscis; capsularum rostro abbreviato. Spicæ faminæ plerumque bina, sed mascula unica: quasi Ampullaceam et rotundatam connectens. /e

h) Cfr. *Aira alpina*, *Poa alpina* α ., *Festuca vivipara* etc.